

INUIT ATAQATIGIIT INATSISARTUNI



UKA2023/50/119

24.Okt.23

Mikivisuk Thomassen

**Qaniginerpaasamik annaasaqarsimanerup kingorna aaliasunnerup nalaani
sulinngiffeqarsinnaanerup periarfissaalernissaa pillugu apeqquteqaat aallaavigalugu
oqallinnissamik siunnersuut**

(Inatsisartunut ilaasortaq Peter Olsen, Inuit Ataqatigiit)

Angajoqqaat meeqqaminnik 18-nik inorlugit ukiulinnik annaasaqartillugit qaammatit arfinillit angullugit akissarsiaqartinneqarluni aliasuuteqarnermi sulinnngiffeqarsinnaatitaanissaannut ilumut pisinnaatitaaffinngortissaneripput pillugu oqallisissiatut siunnersuut.

(Inatsisartunut Ilaasortaq Nivi Olsen, Demokraatit)

Qujavugut oqallisissiaq aqputigalugu saqqummiisunut.

Annaasaqarluni tarnikkut timikkut assortorneqarsinnaanngitsumik anniaateqarnartoq, qanigisamik annaasaqarneq imaanngitsuvoq tarnikullu imaaliallaannaq qaangerneqarsinnaanngitsumik ikilerneqartaasarluni, ingammik qanigisamik pisut sukkaasuumik pisimatillugit tassanngaannartumillu toqukkut qimaguttoqarsimatillugu.

Nappaammik eqqugaasoqarsinnaasarpoq ikiorneqarsinnaajunnaarnermik kinguneqartumik, ilaqutaasullu tamarmik tarnikkut ikiorneqarnissamik pisariaqartitsilersarput, oqitsuinnaanngilaq tarnikkut timikkut ikiorneqarnissaq, periarfissallu namminneerlutik takkuttannginnerat ujartuinarsinnaasarpoq.

Tassanngaannaq annaasaqarsimatilluta oqaloqatiginninnikkut aliasunneq oqiliortorsinnaasarpoq, pisup nalaani ilaqutariinnut periarfissaasinnaasut tammaqqasuuusisarput ingammik meerartaqarsimagaanni aamma tarnikkut ikiorneqarnissaminnik pisariaqartitsisunik.

Qaniginerpaasanik annaasaqarneq imaannaanngitsuvoq inuttullu ingerlaqqeriarnissamik assigiinngitsutigut oqinnerulernissaanut periarfissarsiornerit sivisusinnaasarput. sivikippallaartumi sulinnngiffeqartarneq pissutigalugu oqallisissiat qaqinneqarput. Alisuffinni qaniginerpaasat suli pisariaqartsinneqaraluartut suliffinnut allanullu ingerlaqqittoqartarnera oqimaassinnaasoq paasisimavarput.

INUIT ATAQATIGIIT INATSISARTUNI



Qaniginerpaasanik annaasaqarnermi ilisiartornissamut periarfissarititaasoq ulluni arfineq-pingasuni periarfissaamat qujanarpoq kisianni inuttut ingerlaqqeriarnissamut sivikippallaarluni, taamaalisooqaraangallu peqqinnissaqarfimmiit uppersaaserluni sulingiffeqarnissaq periarfissanngortarpoq tamannalu soorunami annaasaqartunut piffissartornartuulluni.

Piariarfissarli sivilisinerusinnaanera soorunami eqqartussallugu Inuit Ataqatigiinniit soqutigisaraarput inuttullu suliarinermi pingaarteqarpoq saaffissaasinnaasunik erseqqissumik saaffissaqarnissaq. Pingaaruteqarpoq ilaqtariinnut oqinnerusumik ingerlaqqeriarnissanut neqeroorutaasinnaasunik periarfissaqartuarnissaa, assersuutigalugu qaniginerpaasanik annaasaqarnermi sulingiffeqarsinnaanerit sivitsorneqarsinnaanerit, qaammatit pingasut sisamat tallimat, iluaniissallunilu sulileqqinnissanut inuttullu ingerlaqqinnissanut periarfissaqartoqarnissaa.

Qanigisanik annaasaqarnermi sulingiffeqarsinnaaneq sivilisinerusumik atuutsinneqarsinnaanera eqqartornerani pisortat qanoq suullu killigitat naapertorlugit sulingiffeqartitsisinnaanerit inissittariaqarpoq. Qaningisaq annaasaq nassuiarneqarsariaqassaaq taamatuttaarlu pisortat suliassaat suuneri ersarittariaqarlutik. Annaasaqarnermi ikiorserneqarsinnaanissamut saaffissat iliuusissallu pisortat akornanni suleqatigiissutaanerusinnaapput. Annaasaqartut ilaat aliasuutigalutik aqqissuussaanerput allaffissornerillu amerlangaarmata nukissaalatsilersarput. Ilaqarpugut ilaqtariit arlalinnik meerartallit taakkua aamma iginiarneqarnissaat pingaaruteqarluinnarpoq meeqqerivimmiissinnaapput atuartuusinnaapput ilinniartuusinnaalutillu.

Annaasaqarnermi pisortat suleriusaat eqaallisarneqarsinnaapput. Taamatut suliaqarnermi kattuffiit SIK, Sulisitsisut, IMAK, Nunatsini Perorsaasut Kattuffiat allallu pisortaqarfiit suleqatigineqarnissaat pingaartutut isigaarput.

Nunatsinni isorartuumi periarfissagut assigiinngitsut isiginiarlugit aqqiissuteqarsinnaanissaq pingaaruteqarpoq. Sumiiffinni tamani tarnimikkut ikiorsiigasuarsinnaasunik soqanngilaq. Nunatsinni tarnikkut ikiorneqarnissamut tarnip pissusaanik immikkut ilisimasaqarlutik ilinniagaqartut amerlagisassaangillat, taamaammallu aqqiissuteqarniarnermi periarfissanik assigiinngitsunik ujartuisoqartariaqarluni. Inuk annaasaqarsimasooq aliasuutini suliarinngippagu aliasuutiminik puttarsuuartarpoq. Sulingiffeqarnerup sivitsorsinnaanera soqutiginarpuvoq taamatulli pingaatuteqartigaaq tarnikkut ikiorserneqarsinnaanermut periarfissaqarnissaq.

Manna iluatsillugu qujaffigerusuppakka aannaasaqartoqartillugu tarnikkut ikiorsiigasuartartut, ilagiit aamma aannaasaqartoqartillugu saaffissaasuaannartut aammalu aliasuuteqarneq pillugu namminneq kajumissutsiminnik suliaqartut. Qujanaq inoqatitta aliasunnerneranni ikorfartuiarassi.

Taama oqaaseqarlunga saqqummiussamut qujavunga.